

罪
惟
錄

靖江王守謙父文正

靖江王守謙初名熾高皇帝長兄南昌王孫大都督文正子也文正不得封其子文正少孤母王守節艱難依太祖時太祖未有子撫如己子文正頗涉傳記有才畧為人勇敢亦深摯從渡江定建康太祖私語見且官汝文正曰爵賞未彊場急見無以服衆太祖善其言以後征功擢樞密院同僉改院為大都督府文正為大都督節制中外諸軍事時南昌甫定而康泰等叛南昌行省叅政鄧愈走歸旋命徐將軍往定之念非骨肉重臣莫可守文正統元帥趙德勝協愈都督洪都選儒士郭子章劉仲服為參謀

已而漢友諒親率舟師六十萬困南昌。文正計諸將分門守。而自提精銳二千往來巡督。敵冒竹箚當矢石。突擊壞城三十餘丈。文正急礮走之。隨豎柵內蔽。敵來爭柵。且擊且築。達旦城完。寇所以為攻具無不至。而文正所以為捍拒之計亦無不至。晝夜無寧刻。歷八十五日。力竭。諸名將趙德勝而下。率被殲。屬邑烽信絕。時太祖方定安豐。還攻廬州。千戶張子明請潛出乞援金陵。而圍密不得聞。有捨命王者。失其名。願以身殉漢。緩其攻。遂出誑友諒。大都督且奉表臣漢也。圍稍解。子明于是乘間從水關出。還至湖城。為友諒所執。勒降城中。子明佯許諾。至城下。正言以勵。

守者友諒殺子明。越月，太祖帥師二十萬，相持彭蠡湖。友諒食盡，掠糧都昌。文正授方畧，盡燔其舟。漢師敗，友諒死。上以文正守南昌，功居多，死事，趙德勝自有傳，而先沒武桓死者十有四人，皆以文正之義。是時上命鄭愈往定南贛。文正分城守之，軍助愈。尋文正不善居功，以親貴驕，或奪民婦女，不用者投井中，斷無罪訟者。古所用牀榻僭飾龍鳳，上手書責之。文正慙惧。按察司李飲冰遂以文正欲叛降吳密聞，上驚曰：「噫，見乃為賊！」促諸南昌，呼文正城下。文正不意上至，倉卒出謁，載歸建康。群臣請伏法，上曰：「吾兄惟此見，吾不忍誅。」子章仲服并斷其所部足脰五十餘。

人免文正官安置桐城尋命往荊州築城還或又言文正
出語不遜上意頗不測馬皇后曰此兒止是性剛他腸
今其母尚存亦念初乘亂相扶持意上曲赦之命往濠州
省墓夜復與從者嘖上有繁言從者歸言上上遂廢之召
其子語之曰鉄柱無恐我終不以汝父故廢汝鉄柱守謙
小名也未几文正卒洪武三年封守謙為靖江王國桂林
桂林城獨秀山前有元順帝潛邸改為王宮邸王官屬視
親王次等九年之國上表謝上覽表為泣下勅從臣善導
之嘗出知東平州守謙復不法怨望作詩訛刺廢為庶人
使田鳳陽守謙曰不願為王力田足矣帝曰鉄柱無福閱

七年復其爵鎮雲南遣其妃之弟徐溥誠以璽書乃益貪
暴召還京安寘鳳陽不省召至京撻而錮之子贊儀嗣王
永樂中遣之國贊儀恭慎好學能書三十年使省視十三
王諸叔父擇文武忠孝之士從贊儀嘗問長史蕭用道古
好名云何用道曰名之與實猶形影也王當好實薨謚悼
僖子佐敬嗣正統初與奉國將軍佐敏相訐奏以黃金六
條饋楊榮被詰責成其使人于邊再傳約騏以孝聞病瘳
屢着道士衣冠夜出市子經扶嗣經扶好學嘗為敬義之
箴薨厯邦寧仕昌履燾任晟四王晟立廟于國祖南昌初
給銀印宣德中改印黃金塗明末王子亨默應襲失寵他

子以愛篡立。誣訟亨歟于官。收獄中。會唐藩即位。福州篡
王不奉詔。輒弄兵。以原提兵楊國威為先鋒。時廣西巡撫
都御史瞿式耜節鉞梧州。篡王投書奉尚書印。強之。式耜
不從。執式耜歸。幽之別室。奪其原印。而廣總制兵部侍郎
丁魁楚奉命督提兵陳邦傳往討之。篡王聞之。懼。遽釋式
耜。幽還其印。式耜密令國威故部焦璉為內應。及邦傳兵
至城下。璉猝起。縛國威。以篡王八閩王半道。累卒。國威伏
法。而亨歟出獄中。得立為靖江王。論功。封魁楚平粵伯。邦
傳掛征蠻將軍印。庚寅。北師定南。王孔有德以兵破桂林。
式耜及侍郎張同敞死之。亨歟及二子若春若昇皆死。國

永曆中追贈亨欽一字玉若春靖江王若昇將軍

論曰馬皇后知文正曰此兒止是性剛無他腸帝非不知文正而為後世計固本切寧弱支曰以安文正而意實碩秦晉燕周以下即以李飲冰之諧南昌不違吳其疑易解且所犯以親貴驕或亦援宥所云乘亂相扶持造明者誠烈矣蓋王之王國不事之以不忘南昌八十五日之勤乎文正卒洪武三年以前即非有他故性剛不堪屈抑輒自促耳鐵柱怨望或以是故終錮之帝初曰不以父故廢汝卒以父故廢汝也明末靖江孽有篡王亨欽者是則有他腸非文正之所宜為後也欽靖江

懿文皇太子四王

虞懷王雄英、吳悼王允熲、衡愍王允熒、徐哀王允熈、
虞懷王雄英、懿文皇太子次子、母開平王女、未封、年十四、
薨、追封并謚。

吳悼王允熲、讓皇同母弟、懿文皇太子三子也、封杭州、未
之國、燕王入國、降封熲、廣澤王居漳、召還、以不能匡惠廟
削爵、為庶人、銅鳳陽卒、英宗復辟、出其姁眷、僅庶母姊好
五六人、有年八十餘者、弘光初復、原封謚悼。

衡愍王允熒、懿文皇太子第四子、未之國、燕王得立、降封
熒、懷恩王居建昌、亦以讓皇故、削爵、為庶人、銅鳳陽、後英

宗出之年八十餘。猶衣破緋袍。坐受中官拜曰。吾家小奴
爾。弘光初。漢原封謚愍。

徐哀王允熲。懿文皇太子第五子。建文中。以皇弟封。八歲
耳。燕王入國。降封敷惠王。隨母守皇太子墳園。永樂初年。
詔曰。帝王之道。立愛惟親。為子不祗。不及於父。朕長兄懿
文皇太子。降年弗永。厥子嗣立。崇信奸回。顛覆舊章。戕害
骨肉。朕遵奉祖訓。將除君側。以饒周公之義。少主自絕於
天。闔宮赴火。長兄諸子。允熲。允燾。允燾。並錫王封。不意弗
省。自生疑難。朕念至親。免為庶人。用保全之。長兄未有承
祀。朕痛切心。其改封允熲。甌寧王。世奉太子祀。展言同氣。

庶盡親、又二年、即中火王熙暴薨、年十六、謚哀簡王、
為人聰慧而端謹、弘光初、漫原封于原、謚減一字。

論曰、懿文之哀、祈晉王、桐、得免罪、復爵、知其于鶴、鶴之
義最篤、乃燕王之于皇太子何如也、使非學士劉三吾
等置秦晉二王何地、一語、皇太子何必死于晉、繼生有
四王而卒、主祀無其人、徒祠祭署之奉祀專之、至不得
与袁冲莊敬侯伯代祭、同例、觀萬曆中太常謝杰所奏、
知涼薄、從永樂時始之矣、雄英早世、弗論、虞王允熲、衡
王允燾、徐王允熒、降封、改封、祇以塞天下萬世公議、蓋
不能、廷弼、建文一語、早貯帝胸中、急俟封、後發之矣、夫

責以匡弼大義則未聞懿文皇太子時燕王棣或有所
匡弼何在也稍減奸嫡之夢已幸矣至若郎中之火更
毒于鳳陽之鉅時王燠已十六大內之燭自宜再發王
慧恐遲之不入笑也然則進懿文兄子而咸陽之烈哉
他日巨鼎之覆高煦為償其一而一未償

惠宗一王

原懷王文圭

原懷王方二歲燕兵入宮有乳媪負幼兒牽燕王衣哭
匍匐求食曰兒飢兒飢燕王頗心動事在皇太子文奎傳
中弘光初追封加謚

論曰時諸鎮無足恃者獨西平懸萬里外頗能獨制讓
王不凶讓王凶潛走滇南以空名挾大義而起捲土重
來亦半壁之謀也徒以僧題詩金竺之間誰寒之矣即
否程濟輩果能彷彿嬰曰故事抱二孤覓藿尋民依之
一成一旅或以幾如康之業亦一說也而西皆不能則

以正學。閉金陵。待授一語。誤之哉。原王文圭生五十有七年。始識牛馬。英廟之仁矣。久預諸王之列。則又弘光中。特賜執中原無福。福無一是。獨追恤讓皇子。若臣咸上。爵謚為二百四十餘年。地下吐氣。

1000

太宗

二王

漢王高煦入叛逆

漢王高煦

成祖第二子

母徐皇后初以燕王子封高陽燕

王卽帝位進封漢王狙詐多智以材武自負也初太祖嘗

召諸王子學京師王獨嬉逐學不進既與世子入祭太祖

小祥舅氏魏國輝祖密奏高煦悍無賴必負陛下請留京

邸勿遣輝祖弟增壽及駙馬都尉王寧力庇之竊魏國廐

馬不朝辭馳去過涿州殺驛丞甲皆民無辜死者數燕王

兵起從戰白溝東昌有功歷城侯盛庸逆戰浦子口燕師

却高煦適引胡騎至燕王奮鉞起撫高煦背大呼兒為努

力高煦殊死戰大敗庸師燕世子仁賢膚體克盈而王長

七尺餘、輕趨、挽千鈞、兩腋若有龍鱗者、數片。燕王以類已、愛之、及得國、議立太子。淇國公丘福與都尉王寧素暱、高煦功高、煦宜立。上以學士解縉言、不果立。高煦嘗從上田、射生多、二鳥竝柯、連中之。上喜、漢王技至此乎。解縉從旁對曰、所為賢王者、孝、友、慈、仁、為藩國長、挽強、命中、二力、七之能也。願陛下勿為王譽。世子由是得立為太子。王封漢國雲南、快曰、我何罪、放萬里、改青州、又以瘠土、不卽國、從上北平、數離間太子、誣解縉等於上。至徵太子師傅、皆繫獄、而縉竟為王寤死獄中。久之、請得天策軍為護衛。曰、唐太宗天策上將、不意我亦得之。自以此唐秦王。又請兩